

Passimik pilersitsinermi inussat ipaasa qarasaasiakkut assilinerannut akitsuutip iluarsivigineqarnera pillugu Kalaallit Nunaanni nalunaarut

Danskit naalagaaffianni innuttaasut il.il. passii pillugit inatsimmi § 4 b, imm. 2, tak. inatsimmik nalunaarut nr. 900, 8. september 2008-meersoq, inatsisikkut nr. 613, 14. juni 2011-meersukkut allangortinneqartoq peqqussutikkullu nr. 163, 26. februar 2013-meersukkut Kalaallit Nunaanni atuutilersinneqartoq naapertorlugu makku aalajangersarneqarput:

§ 1. Danskit naalagaaffianni innuttaasut il.il. passii pillugit inatsimmi § 4 b, imm. 2 malillugu peqqussutikkut nr. 163, 26. februar 2013-meersukkut Kalaallit Nunaanni atuutilersinneqartumi aningaasat inatsimmi § 4b, imm. 1-imi najoqqutassami taaneqartut akit akissarsiallu tamanut atuuttut Finansministereqarfimmit annertussusilerneqartut ukiumut ataasiartumik januaarip aallaqqaataani iluarsivigineqassapput. Tassani aningaasat pilersut koruunimut qaninnermut akunnaallisinneqassapput.

Imm. 2. Ukiumi aningaasanut inatsiseqarfimmi 2017-imi akit akissarsiallu tamanut atuuttut aningaasartaat 1,1 procentiuvoq ukiumi aningaasaliiffiusumi 2016-imi qaffasissutsip iluarsivigineqarnera ilanngullugu.

§ 2. Inatsimmi § 4 b, imm. 1-imi aningaasat taaneqartut 26 kr.-iupput.

§ 3. Nalunaarut atuutilersinneqarpoq 1. januar 2017.

Imm. 2. Tamatumunnga peqatigitillugu passimik pilersitsinermi inussat ipaasa qarasaasiakkut assilinerannut akitsuutip iluarsivigineqarnera pillugu nalunaarut nr. 1646, 15. december 2015-meersoq atorunnaarsinneqarpoq.

Justitsministereqarfik, ulloq 19. december 2016

SØREN PAPE POULSEN

/ Jacob Christian Gaardhøje